

四庫

全書

四庫

全書

第六四三册

四庫全書

●上海古籍出版社

本冊目次

欽定皇朝通典(二)

清乾隆三十二年款撰……………一

欽定四庫全書

史部
皇朝通典卷五十一

編修臣
李傳熊覆勘

總校官編修臣程嘉謨

欽定四庫全書

皇朝通典卷五十一

禮部

臣等謹按杜典嘉禮一門凡冠婚朝會之儀尊崇冊封之典章服車輅之制節文度數靡不詳備顧冠禮自宋明以來雖或考定其制而當世鮮有行之者伏惟

欽定四庫全書

皇朝通典

國朝典章明備宜古宜今要皆崇實斥虛以為億萬世遵守冠禮今既不行自無庸纂述茲敬考

冊府所載

列聖繼承嘉慶疊錄彝章隆洽儀文之盛並敬謹纂紀焉

至於冠服輦輅旗章之制悉經

審裁以次釐正彙為

皇朝禮器圖式一書謹稽圖說詳著於篇並從會典通禮之例按次編載於杜典名目條例亦多有增刪更定仍各加案聲明於後至杜典所載雜識各條

多出臣下一時之論我

朝禮典悉遵

皇制所有雜論無待採輯茲不復編列云

元正冬至朝賀

臣等謹按杜典有元正冬至受朝賀一條列於服章名物之後今以朝會之儀典禮尤大謹首載於篇以為嘉禮之冠伏考

國朝定制元正歲始

欽定四庫全書

皇朝通典
卷五十一

臨御正殿王公百官及外國陪臣慶賀行禮中外一家

整齊嚴肅儀至隆也冬至朝賀則以

南郊大祀歲必

親行用是改於次日行禮準古酌今允堪垂憲萬世凡

朝賀禮儀歲恒舉行茲不臚述惟恭載始制及更定諸大端並祇奉

諭旨遵行者以昭典則焉

天命元年正月丙辰朔

太祖高皇帝御殿行慶賀禮始定朝儀

天聰元年正月己卯朔

太宗文皇帝御殿受朝不作樂停筵燕六年正月己亥朔

御殿受朝賀次日筵燕崇德元年定元日長至進表行慶

賀禮惟長至不設燕又定元旦前三日至第九日

各官皆朝服

順治元年正月庚寅朔

世祖章皇帝御殿受朝賀停筵燕免上表并年例進獻十

欽定四庫全書

皇朝通典
卷五十一

一月戊申以

南郊禮成

御殿受朝賀二年十二月定元旦前後七日王公百官皆

朝服凡元旦慶賀先

御武英殿內大臣兩翼護軍統領護軍叅領侍衛等內三

院都察院大臣及禮部執事各官行禮畢

御太和殿眾官跪迎及

陞座諸王貝勒貝子公等奉表於階上行禮次兩翼滿洲

蒙古漢軍各官次漢文武百官次朝鮮國進貢使

臣次外國諸王使臣次吐魯番回回哈密衛人及

棟蘇固爾地方喇嘛等行禮八年四月定元旦冬

至禮儀

上詣

皇太后宮行禮畢還宮

御太和殿鳴鐘鼓作樂諸王文武百官行慶賀禮又定長

至節於次日

欽定四庫全書

皇朝通典
卷五十一

御殿受賀如元旦儀九月頒慶賀表箋式於各藩王及督

撫提鎮等衙門又定元旦長至及

萬壽聖節為三大節在外直省文武官均設香案朝服望

闕行禮與京朝官同

康熙六年十一月丁未冬至戊申

聖祖仁皇帝御殿受朝賀以

世祖章皇帝配

天禮成

頒詔大赦

雍正元年正月辛巳朔

世宗憲皇帝詣

壽皇殿行禮不陞殿受賀禮部等奏言帝王即位首重元

正元者歲之始正者月之始也故曰春王正月所

以紀即位之始也雍正元年為

龍飛之首歲

皇上孝思罔極即不陞殿受賀而羣臣奏表之禮斷不可

欽定四庫全書

皇朝通典
卷五十一

缺臣等請雍正元年元旦在京諸王百官恭進

皇太后表文

皇上表文仍照例呈覽交內閣收貯將此表文式頒示朝

鮮及直隸各省於雍正二年具奏冬至

萬壽節雖不受賀其表文亦照例具奏交內閣收貯從之

十一月辛丑冬至壬寅

御殿受朝賀以

聖祖仁皇帝配

天禮成

頒詔天下先是

諭大學士等曰朕惟

聖祖仁皇帝大禮告成普天同慶朕陞殿頒布恩詔蓋以

賀

列祖之鴻禧慰萬方之誠悃也然朕思念

顧復深恩中心哀慕今未滿三年不忍陞殿受賀著內閣

九卿等詳察典禮酌古準今務期於理允協庶朕心得

欽定四庫全書

皇朝通典

卷五十一

安尋大學士等奏言謹按漢禮儀云冬至之日宗祀明

堂登靈臺大赦百官稱賀此冬至配天行慶之明

文也自晉至唐宋皆隆其儀宋仁宗皇祐二年以

大慶殿為明堂合祭天地三聖並侑大慶禮成百

官奉表上賀其後仍之名曰慶成禮明會典載大

祀禮成次日御奉天殿受賀我

朝會典載冬至

南郊禮成次日

御殿百官進慶賀表臣等伏思先王制禮原以節情鉅典

攸宜古今不易懸祈

俯允禮臣所請以二十六日

御殿諸王羣臣上表行禮頒

聖祖仁皇帝配

天恩詔誠於典禮符協得

古諸臣酌古準今詳察典禮具奏朕今亦難固却但朕中

心實甚不安著允諸臣所請行二年正月丙子朔

欽定四庫全書

皇朝通典

卷五十一

御殿受朝賀宣表十二月

諭大學士等曰朕即位之初諸王大臣奏請元旦陞殿受

賀至再至三朕無可如何准於次年受賀今年元旦陞

殿讀表時朕臨之不禁心傷淒然垂淚今尚未過三年

著停止行禮諸王大臣復請陞殿行禮又

諭曰諸王大臣雖請朕俯順輿情亦當思仰體朕意朕意

以為行慶賀禮以示萬國不若盡孝道以示天下二年

元旦因行元年之禮故允所請去年允行長至之禮因

聖祖仁皇帝配

天大典朕不得已勉從衆請至於御殿進表受賀不比尋常之御殿謝恩行禮也朕降此諭旨諸王大臣著即遵行諸王大臣又奏孝經言天子之孝得萬國之惟心以事其先王今元旦

陞殿受賀錫福兆人

聖祖仁皇帝在天之靈必為欣慰與孝經之義相合得

旨諸王大臣引據經典陳懇再三著准行禮其表文但行

欽定四庫全書

呈進不必宣讀七年十二月

諭元日朝賀凡三品以上之大臣年逾七十者不必隨班

行禮瑛百官朝賀禮畢朕還宮後至乾清門行禮八年

正月元旦令節以逢

祈穀齋戒日期改於初六日行朝賀禮十二年正月元旦

令節遇

祈穀齋期改於初九日行朝賀禮

乾隆元年正月丙申朔

皇上御太和殿中和韶樂設而不作諸王公文武各官

朝鮮使臣進表行慶賀禮表文不宣讀十二月

諭今歲元旦乃朕御極元年朝正大典禮制攸闕且在

皇考大事百日之外是以勉從諸王大臣所請御殿受朝

明年元旦尚在二十七月之內陞殿受賀朕心不忍

不必陞殿行禮三年十一月庚申冬至壬戌

御殿受朝賀是年以冬至次日恭遇

聖祖仁皇帝忌辰改於後二日行禮十八年十一月

欽定四庫全書

諭元旦長至萬壽三大節外省文官臬司以上武官副

將以上例得隨進表箋稱賀朕恩督撫提鎮封疆大

吏事皆專達未賀為宜藩司副將既不得專達章疏

其由督撫附進表箋亦可不必且不過由部送閣存

貯並不呈覽此亦向來虛文陋習甚無取焉其舉行

停止二十四年十一月庚戌冬至辛亥

御殿受朝賀以回部平定

頒詔中外二十七年八月通政使司奏言此次貴州巡

撫喬光烈慶賀本章面用黃綾內加黃簽與各省

督撫本章互異請

欽定式樣以昭畫一得

旨嗣後慶賀本章著照喬光烈之式二十八年二月通

政使司奏言凡恭逢慶賀之期在京各部門衙門

陳奏尋常事件俱用黃招況慶賀本章事關大典

請嗣後恭遇慶賀

皇太后

欽定四庫全書

皇太后

皇上本章及貼黃俱用黃紙其面頁仍用黃綾黃簽本

內及貼黃俱毋庸另行加簽從之四十五年禮部

議奏東三省地方所進慶賀表文改用清文至各

省凡有駐防處所慶賀表文俱改用清文以昭畫

一從之四十六年十二月

諭明年元旦係上辛祈穀齋戒日期所有元旦應行拈

香各處仍親詣行禮初五日陞殿受賀凡朝賀儀節

具

大清通禮

聖節朝賀

臣等謹按杜典不載聖節朝賀而開元禮則有千

秋節朝賀儀唐以後聖節上壽禮與元正等自應

別立專條以昭盛典洪維我

朝定制

萬壽聖節進表慶賀與元正至並稱三大節

聖祖仁皇帝御極六十餘年深仁厚澤淪浹人心恭逢

欽定四庫全書

皇太后

聖節慶洽數天康熙癸巳歲以

六旬萬壽

特頒恩詔遐邇均霑至羣臣請上

尊號則謙而不居詳載

萬壽盛典一編

世宗憲皇帝於

萬壽之年屢頒

諭旨禁止慶賀我

皇上仁壽誕禧誕屬景福自

臨御以來每遇

旬慶之年皆先期

諭止祝頌歲庚子

七旬萬壽億兆臣庶願効歡舞用申祝

嘏之忱既有

詔勿事而

恩澤覃敷凡慶典所宜舉行咸秩維昭臣等恭紀大典

欽定四庫全書

皇朝通典
卷五十一

十一

仰見

皇上以聖繼

聖行慶施惠

壽宇熙洽

純嘏綿長為從古所未有自今以始億萬斯年

盛德延洪曷勝無疆之頌云

崇德元年定

萬壽聖節進表朝賀儀與元日同

順治八年四月

萬壽聖節由薄大駕全設

世祖章皇帝先詣

太廟行禮次詣

皇太后宮行禮畢

御殿受朝賀

康熙元年三月

萬壽聖節

欽定四庫全書

皇朝通典
卷五十一

十一

聖祖仁皇帝率諸王大臣詣

太皇太后

仁憲皇太后

慈和皇太后宮行禮畢

御殿受朝賀自是恭遇

萬壽聖節皆詣

兩宮行禮如儀四十二年三月

聖祖仁皇帝五十萬壽詣

皇太后宮行禮停止朝賀筵燕

頒詔天下五十年三月

萬壽聖節前期諸王貝勒文武大臣等奏言今當五十年

昇平之會中外臣民喁喁引領懇祈

誕受尊號以慰輿情

皇上德盛不居屢詔未允臣等不敢更請茲恭遇

萬壽聖誕乃數天率土衢歌封祝之時仰祈

御殿受賀以愜中外諸臣及士子兵民人等之望得

欽定四庫全書

皇朝通典
卷五十一

十四

旨朕於壽日停止朝賀已二十餘年茲諸王羣臣以今歲

當五十年昇平之會特請御殿行禮以愜中外官員士

子及兵民人等仰望之心公疏奏陳詞意誠懇朕勉順

羣情應如所請屆期

親率諸王貝勒貝子公內大臣大學士侍衛等詣

皇太后宮行禮畢

御殿王以下文武諸臣上表慶賀如儀停止筵燕五十一

年十一月諸王貝勒貝子公文武諸臣等以明歲

萬壽六旬聖誕請上

尊號

詔不許五十二年三月直省官員紳士耆庶咸赴京分建

綵棚自西直門至

暢春園相屬二十里禮部奏言每歲恭遇

萬壽聖節王以下文武各官朝服七日在

暢春園蟒袍補服今歲恭遇

萬壽六旬大慶非尋常可比應自三月初一日至三十日

欽定四庫全書

皇朝通典
卷五十一

十五

咸朝服蟒袍補服嗣後每遇十年照此例行得

旨著自初一日至二十日前期

親奉

皇太后御輦陳大駕闕簿由

暢春園回宮直隸各省官員士庶夾道跪迎耆老等

跪獻萬年壽觴

賜老人等壽桃及食品皆徧諸王貝勒貝子公文武大臣

官員兵丁皆於誦經處跪迎並

賜以食品是日遣官祇告

天

地

太廟

社稷

頒詔天下又

命查八旗滿洲蒙古漢軍漢人大學士以下民以上年逾

六十五歲者奏聞擇日賜燕再查七十以上老婦

欽定四庫全書

皇朝通典
卷五十一

十五

另日宣至

皇太后宮賜燕

詳見至日
優老

親率諸王公大臣等詣

皇太后宮行禮畢

御殿王以下文武各官及致仕官員行慶賀禮八旗兵丁

直隸各省耆老士庶齊集

午門外

大清門內叩祝行禮

駕回宮內大臣侍衛內閣翰林院禮部都察院詹事府等

衙門侍直官員詣

乾清門行禮是日

躬奉

皇太后幸暢春園王以下滿漢文武官員直隸各省耆老

士庶於各誦經處跪送六十年三月

萬壽聖節諸王公大臣百官合詞請上

尊號曰聖神文武欽明濬哲大孝弘仁體元壽世至聖皇帝

欽定四庫全書

皇朝通典
卷五十一

十五

聖祖仁皇帝謙讓不許並

命停止慶賀直省耆老民等詣京叩祝並進土產諸物皆却

之仍賞賚有差

雍正元年七月

諭諸王大臣及內外文武各官朕惟自古帝王撫御寰區

治化隆盛中外臣民紀功述德頌禱情殷故天保之詩

卷阿之什擬升恒於日月期純嘏之彌長祝釐之詞形

諸歌咏者往往有之我

聖祖仁皇帝御極六十餘年至治神功參兩

天地深仁厚澤超邁百王薄海內外無不食德飲和淪肌

浹髓臣工黎庶無以致其感激受戴之誠故每於

萬壽聖節京師暨直省各建道場誦經祝壽總因

聖祖仁皇帝恩德及人者至久感人者至深諸臣於無可

報答之中勉竭忱悃以普天同慶之心做華封稱祝之

意在諸臣亦藉以自盡其心耳今朕嗣位之初夙夜祇

懼不敢少懈所以立政圖治者安能及

欽定四庫全書

聖祖訓

九

聖祖之萬一爾諸臣於朕誕日倘仍照從前建立道場則

自此以後將成定例在京王公以下及部院等官未免

從事靡文稽遜公事在外文武大吏亦恐科湊屬員貽

累地方且以有用之財供無益之費既非朕以勤儉勵

有位之心又非朕以康阜期海內之意尚虛文而無裨

實政朕甚無取焉特宣布中外於朕誕日毋得建立祝

壽道場但冀內外諸臣各殫厥心勉襄化理勤修職業

利濟蒼生以慰朕宵衣旰食之焦勞即不啻天保卷阿

之祝頌矣若不遵諭旨朕必加以處分不少寬貸五年

閏三月

諭內外諸臣曰朕聞會試舉人感朕特恩以今年為朕五

十萬壽特於京城寺廟設立經壇以申頌祝之意此舉

甚為虛妄朕臨御天下孜孜求治凡所行之事惟以循

理為本誠以理之所在即

天意所在感孚默應捷於影響若朕所行悉合於理則問

心無愧之處即可以對越神明而輿情之頌祝與否皆

欽定四庫全書

聖祖訓

九

可置之不問也朕做戒乾惕之功無時或釋舉人乃平

日讀書明理之人當做法古之聖賢豈可為此世俗妄

誕之舉且朕正念士子貧寒踰途艱於資斧是以賞給

路費今乃費於無用之地尤不能體朕之心矣其所設

經壇即行禁止朕又聞各省督撫因朕今年五十萬壽

欲購覓玩好之物以為進獻者此舉尤為不可夫地方

大吏偶有進獻方物土產者不過借此以達其瞻仰之

意而朕之酌量收納則又復隨便分賜廷臣者亦所以

聯君臣上下之情若今年亦只照每年之例備辦尚准其奏連朕前倘別有玩賞之物則槩不寫目朕仰賴

皇考福庇在藩邸數十年所蓄器玩頗有及即位後見宮中傳貽古玩器皿皆質樸之物實無奇異為人所罕見者視朕藩邸所藏尚屬不逮朕深用抱愧於懷當日二阿哥在東宮時廣蓄奇巧珍貴之物數倍於

皇考宮中之所有朕仰思

皇考恭儉至德實可垂法萬世欽服之誠切於五內益覺

欽定四庫全書

皇朝通典

卷五十一

子

二阿哥之所為當為鑒戒也朕既深知二阿哥之非若此時復留心玩好廣收進獻則將來子孫之賢而有識者豈不以此為朕躬之累乎朕意欲俟暇時將宮中所

有之物或為

皇考傳留或朕藩邸舊蓄一分晰標記以明

皇考之儉德俾世世子孫共知之又安肯多收玩好以滋朕心之愧乎朕澄清吏治令督撫諸臣共勵廉隅即量予公費不過供其日用之需要有餘資搜求玩器倘轉

索之於屬員則又開下吏逢迎奔競之漸尚望其秉公督率整飭官方乎朕心惟以民安物阜為美薦賢舉能為貴倘督撫等東公察吏實心為國行一利民之政勝於獻希世之珍也薦一可用之才勝於貢連城之寶也

當年

皇考五十萬壽時朕再三懇請慶賀不蒙

俞允今朕五十壽誕躬自舉行於心實有未安至於設立經壇建立碑亭等事在

欽定四庫全書

皇朝通典

卷五十一

五

皇考當日甚鄙而厭之因見諸臣籲懇之切隨便聽其舉行乃朕所深悉者而其中羣下隱情在

皇考實不能深知朕居子臣之位四十年於臣庶情形皆所親見是以不肯復為內外諸臣其共體朕心祇遵朕諭彈極誠意屏絕虛文勉之勉之四月復

諭曰朕今年五十已有諭旨不行慶賀禮昨揚名時南天

祥奏摺俱稱今年進京慶祝萬壽朕思

聖祖仁皇帝久道化成聖德神功際天蟠地當年五十

聖壽之時尚未允行慶賀之禮朕臨御以來雖時時有勵精圖治之念又安海宇之心而實在善政善教可以造福於

社稷蒼生者何事可以自信正當君臣交相儆勉期於有成又安可為此粉飾之事以滋煩擾乎朕之待下惟有一誠諸臣果夫誠懇之念於隱微寤寐之中尊君親上如詩書所載元后父母之誼豈不勝於拜舞彤墀效稱觴祝嘏之儀節乎外任諸臣俱不必具本奏請來京

欽定四庫全書

皇朝通典
卷五十一

三

只照常年之例行若有因地方事務應來陛見者朕自另降諭旨其各省耆民等若有欲來京慶祝者地方官切止之高年之人長途跋涉未免勞頓非朕體恤之意倘違朕旨而來俱不許奏聞朕亦不加以恩賜伊等若果有感恩戴德之忱何不訓誨子弟勸導鄉人使各為善良各務本業而乃僕僕道路以為報効朝廷乎再各省地方若有指稱萬壽設立經壇或聚集梨園誹謗糜費者此皆生事不安本分之徒誘惑愚人希圖財利尤

宜嚴禁地方官不行禁止經朕訪聞定照欺罔之律治罪將此通行各省並轉飭各府州縣咸使聞知

乾隆元年八月

萬壽聖節

皇上詣

雍和宮行禮畢還

宮詣

皇太后宮行禮停止慶賀

欽定四庫全書

皇朝通典
卷五十一

三

諭諸臣曰朕前降旨三年之內不行慶賀禮今八月十三日為朕誕辰禮部循例題請已降旨停止行禮並令朝臣勿穿蟒袍補服所有外省慶賀本章俱著內閣發還五年八月

萬壽聖節

御殿受朝賀前期

諭曰八月十三日為朕誕辰聞內外臣工以今年為三十萬壽之期欲行慶賀貢獻之禮朕甚不取今年春

聞外省督撫提臣中有請八月進京陛見者朕批諭止之蓋朕年甫及壯不言慶賀且朕所望於內外臣工者總在實心實政為國家宣猷効力不在稱觴祝嘏之儀文著即傳諭內外臣工等仍照常年之例行若有在常例之外者俱著停止六年八月

萬壽聖節

上巡幸熱河詰

皇太后行宮行禮畢

欽定四庫全書

皇朝通典

卷五十一

三

御行殿扈從諸王公文武大臣官員暨外藩蒙古王以

下行慶賀禮先是禮部奏言

萬壽聖節恭遇

聖駕巡幸扈從王大臣官員應於

行宮前行慶賀禮其班位王公大臣在網城內三品

以下官在網城外在京王公大臣官員於

午門前行慶賀禮其筵燕應行停止從之自後每歲

巡幸熱河恭遇

聖節慶賀之禮俱照此行十五年四月

諭曰今年八月為朕四十壽辰閱督撫諸臣奏揭有陳請來京慶祝者各省將軍督撫皆有封疆重任豈有緊離職守來京慶祝之理一處陳請他處從而效之若明知不能悉允所請而各繕本章往來批答徒成具文豈君臣間以至誠相孚之誼耶當年

皇祖聖祖仁皇帝四十五十聖壽

皇考世宗憲皇帝五十聖壽俱未行慶賀禮

欽定四庫全書

皇朝通典

卷五十一

三

皇祖壽登六十始允臣民之請舉行慶賀今朕四十壽辰

未屆應行祝嘏之時何必遽事紛紛陳奏著傳諭各省文武大臣不必具摺奏請來京諸臣具明體朕意

八月

萬壽聖節

御殿受朝賀如常儀二十四年十月

諭曰雍正五年恭值

皇考五十萬壽因會試舉人請於京城寺廟設立經壇以